



KENYATAAN MEDIA

UNTUK SIARAN SEGERA

REBUT PELUANG DISKAUN BAYARAN BALIK PINJAMAN PTPTN SEBELUM 30 APRIL 2022

1. Perbadanan Tabung Pendidikan Tinggi Nasional (PTPTN) mengucapkan terima kasih dan merakamkan penghargaan kepada semua peminjam PTPTN yang telah membuat bayaran balik pinjaman mereka dan telah menikmati insentif diskaun bayaran balik pinjaman PTPTN. Para peminjam yang masih belum mengambil peluang ini, rebutlah peluang yang masih ada sebelum 30 April 2022.
2. Melalui pembentangan Bajet 2022 pada 29 Oktober 2021 lalu, Kerajaan telah bersetuju untuk memberikan insentif diskaun bayaran balik pinjaman bagi membantu peminjam PTPTN bermula 1 November 2021 hingga 30 April 2022 adalah seperti berikut:
 - i) Diskaun 15 peratus atas baki hutang untuk penyelesaian penuh pinjaman;
 - ii) Diskaun 12 peratus untuk bayaran balik sekurang-kurangnya 50 peratus daripada baki hutang dalam sekali bayaran; dan
 - iii) Diskaun 10 peratus untuk bayaran balik melalui potongan gaji atau debit terus mengikut jadual.
3. Berdasarkan rekod, mulai 1 November 2021 sehingga 28 Februari 2022, seramai 367,433 peminjam telah menikmati insentif diskaun bayaran balik ini melibatkan jumlah bayaran balik yang diterima sebanyak RM755.28 juta dengan jumlah diskaun yang diberikan sebanyak RM112.4 juta.
4. PTPTN berharap agar semua peminjam melaksanakan tanggungjawab untuk membuat bayaran balik pinjaman mereka bagi memastikan PTPTN dapat meneruskan pinjaman pendidikan kepada generasi akan datang. Pelbagai kemudahan saluran bayaran balik telah disediakan termasuklah secara dalam talian yang lebih mudah, cepat dan selamat seperti melalui perbankan internet, JomPAY, MyPAY, Shopee, Portal Rasmi PTPTN (FPX) dan yang terkini melalui aplikasi *mobile app* myPTPTN. Rebutlah peluang membuat bayaran balik dan menikmati insentif diskaun sebelum 30 April 2022.

5. PTPTN juga sentiasa komited dan bersedia untuk membantu peminjam yang mempunyai sebarang persoalan melalui inisiatif #PTPTNSediaBantu. Untuk sebarang pertanyaan, peminjam boleh melayari portal rasmi di www.ptptn.gov.my atau menghubungi PTPTN melalui saluran berikut:

- *Careline* PTPTN di 03 - 2193 3000
(Beroperasi Isnin hingga Jumaat, jam 9.00 pagi hingga 5.00 petang)
- *Live Chat* di www.ptptn.gov.my
- e-Aduan di <https://eaduan.ptptn.gov.my/>
- Eksekutif Pemasaran PTPTN di <https://www.ptptn.gov.my/hubungi-ptptn>
- Media Sosial Rasmi Perbadanan Tabung Pendidikan Tinggi Nasional